

Errugbia

Sasoiko aitzin derbia

Baigorrik eta Garazik benetako hasiera emango diote lehiari

Euskaldunen arteko derbiarekin berrekingo diote B multzokoek Liga txapelgoari, astebeteko etenaldiaren ostean. Baigorrik eta Garazik hirugarren mailan zirenetik jokatu ohi dute derbia urtero, eta parekaturik dituzte indarrak. Baigorriarrak bi puntu gutxiagorekin dira, eta irabazi egin beharko lukete garaztarrekin parean jartzeko (Udal zelaian, 15:00). Donibane-Lohizunek Albi hartuko du (Pabilioi Urdina, 16:00).

Koldo Alduntzin/Donostia

LAUGARREN JARDUNALDIA aproposa gerta daiteke Nafarroa Behereko bi talderik onenen indarrak nola dauden jakiteko. Orain arte jokatu dituzten hiru jardunaldiak taldeak osatzeko, txapelgoari neurria hartzeko eta falta ziren jokalariek berreskuratzeke aitzakia izan zitezkeen, baina gaur ez dute baliorik izango, Garazik eta Baigorrik duten guttia emango baitute derbi koloretuan.

Hain parekatuak izan ohi dira nafarren arteko derbiak, behin bata eta beste behin besteak irabazi ohi baitu. Garaztarrek bosgarren postuan dira 7 punturekin, bi partida irabazita eta beste bat galduta. Baigorriarrak berriz, hamaikagarren dira 5 punturekin, bat irabazita eta beste biak galduta. Kontua da, ordea, Garazik bi partida jokatu dituela

etxean eta Baigorrik bi kanpoan. Neurketetan egindako eta hartutako puntuetan ez dago kasik alderik. Garazik 57 egin ditu eta 69 hartu; Baigorrik, aldiz, 58 egin eta 66 hartu.

Bien arteko alde txikia zelaia-rena izango da. Azken bi sasoietan bakoitzak bere zelaian irabazi egin du, 95-96an Garazik 21-3 eta Baigorrik 21-16. Iaz, Baigorrik 24-19 eta Garazik 22-18. Aitzineko bi sasoietan, berriz, 94-95 eta 93-94an, Baigorri gailendu zen Adolphe Jauregin. Kontuok, ordea, iraganari dagozkio eta gaur seguru gaude jokalariek ez direla horietaz oroitu.

Orain dela bi aste kontrario gogorrak izan zituzten biek ala biek. Garazik bigarren postuan diharduen Bagneres hartu zuen mendean 26-25, eta azken jokaldian Duhauk gauzaturiko zigor kolpearri esker. Bestelako emaitza izan zuen Baigorrik hirugarren postuan dagoen Albiren kontra, 28-13 galduta baitzuen.

Albik oso aitzineko onak zituela adierazi zigun Pello Eiheratxarrek, Baigorriko harroinak, eta gaurko partidari buruz zera zioen: «Oso biziak dira garaztarrek aitzinean eta saiatuko gara baloia fite zabaltzen gibelera». Oraindik partidari jokatu ez duen Laurent Bidegain garaztarra honela mintzatu zen: «Bagnere sek jaurtitzaile apartak zituen eta kosta egin zitzaigun irabaztea. Baigorriren kontra aitzinean eta gibelean saiatu beharko dugu».

Hamabostekoei dagokienez, Baigorrin ez dira oraindik jokatzen hasi ez Ramuntxo Orhategarai ez Herlax, ezta Bidondo ere.



Baigorriarrak eta garaztarrek iazko derbian, Garaziko Adolphe Jauregi zelaian.

KOLDO ALDUNTZIN

Bigarren lerroan sumatzen dute hutsunea eta hau izan daiteke hamabostekoa: Aristoi-Landaxoko-Eiheratxar, Etxenike-Cachenaut, J. M. Irigarai-M. Semerena-L. Irigarai, Ocafrain-C. Orhategarai, Goienetxe, Oxobi, Sallagoiti, Zelhai eta T. Orhategarai.

Garazik, aipaturiko Bidegain eta Beñat Ithurbide ditu kolpatuak. Ondorioz, hona hemen hamabostekoa: Piarrestegi-Etxandi-P. Bidegain, Changala-J. Ithurbide, Larre-Pochelu-Lenco, Tissier-Duhau, Sarageta, Erdozio, L. Ithurbide Iriarte, Sarageta eta Larrieu.

Donibane-Lohizunek partida bihurria

• Arestian aipatu dugu Albik irabazi egin ziola Baigorri hirugarren jardunaldian eta sailkapeneko hirugarren postuan dagoela. Honekin esan nahi dugu aukera polita duela Donibane-Lohizunek indarrak nola dituen erakusteko, Lourdesen 17-10 galduta baitzuen (Pabilioi Urdina, 16:00). Aurten Battitte Lekuona da uztartze erdia, Miarritze utzi eta sasoi pare batean atseden hartu ondoren. Lourdesen ederki gidatu zituen aitzinekoak eta itxaropen horrekin zelairatuko dira. Larretxea joko zabaltzaileak ez du jokatzetik izango, Pauen ari baita ikasten.

Bigarren mailan ere, Mugerre lapurtarren eta Maule zuberotarren arteko derbia izango da (16:00). Maule multzoko indartsuenetakoa da, etxetik kanpo bi partida irabazi baititu. Bokalek Linxe bisitatuko du.

Argentina eta Frantzia garaile Kopa Latinoan

■ Amerikarrek 45-18 rekin garaitu zuten Errumania; Frantziak 30-19 Italia

K.A. / Donostia

ATZO jarri zen jokoan Kopa Latinoaren bigarren ekitaldia Auchén (Frantzia). International Board Federakundean sartuta dauden lau estatu latinoak ari dira lehian, hots, Argentina, Italia, Errumania eta Frantzia. Atzoko lehen jardunaldian bi norgehiagoka jokatu ziren. Aurrenekoan Argentinak erraz irabazi zion azken urteotan burua altxatu ezinik dabilen Errumaniari 45-18.

Italiak hortzak erakutsi zituen Frantziari partida osoan. Lehen zatia 17-9 amaitu zen frantziarrak aitzinetik zirela. Italiarrak bizi-bizi aritu ziren eta ez zieten utzi jokoa egiten frantziarrei, gainean jardunez eta baita

erasoari ekinez ere. Frantziak bi entsegu egin zituen (Califano eta Saint-Andre), eta Lamaisonek 20 puntu egin zituen jaurtiketetan. Italiak entsegu bat egin zuen (Vaccari), eta Diego Dominguezek 14 puntu egin zituen jaurtiketetan. Asteazkenean Argentina-Italia eta Frantzia-Errumania jokatuko dira.

Euskal herritar ugari Espainiako selekzioan • Tuteran da Espainiako selekzioa joan den ostiralaz geroztik hiru eguneko egonaldia egiten. Azaroan jokatuko dituen bi partiduko prestazeko antolatutako Tuterako egonaldia, 1999an Galesen jokatuko den Munduko Txapelketarako sailkapen kanporaketari ekin beharko baitio Espainiako selekzioak. Alfonso

Feijoo hautatzaile donostiarrak 41 jokalaria deitu ditu, eta horien artean bederatzi dira euskal herritarrek: Oscar Solano, Ignacio de Lázaro, Cesar Hernandez eta Aratz Gallastegi (Getxo). Borja Jimenez eta Gorka Bueno donostiarrak (Miarritze), Pablo Larrauri (Oviedo), Jose Ignacio Intxausti (Alcobendas) eta Aitor Etxebarria mungiarra (Donibane-Lohizune).

Hego Afrikako Currie Cup txapelketa finalerdietan da dagoneko. Natal-ek Gauteng Lions-en (Transvaal ohia) kontra jokatuko du. Bigarren kanporaketa Western Province eta Free State taldeen artekoa izango da. Natal eta Western Province dira faboritoak hamabost egun barru finala jokatzeke. x

Laburrean

FUTBOLA

■ Rayo Vallecanok jokatu egin zuen Ourenseren aurka

RUIZ MATEOS sendiak Rayoko entrenatzailearen eta jokalarien esku utzi zuen azkenean atzoko partidua jokatzeke erabakia, eta azkenean Rayok Ourenseren aurkakokatu zuen. Teresa Rivero Rayoko lehendakariak, Ruiz Mateos sendiak kluba utzi eta akzioak salduko dituela esan zuen atzo partidua aurretik egindako prentsaurrean. Josu Ortuondok entrenatzaileak, bere aldetik, atzoko partidua ondoen Rayo utzi ala ez pentsatu behar duela azaldu zuen. x

TENISA

■ Nathalie Tauziat baionarra Zuricheko torneoaren finalean izango da

LINDSAY DAVENPORT estatubatuarren aurka jokatu beharko du gaur Nathalie Tauziat tenislari baionarrak Zuricheko torneoaren beretzat nahi badu. Finalera Lisa Raymond estatubatuarri 6-3 eta 6-5 irabazi ondoren. Lindsay Davenportek, berriz, Jana Novotna txekiarra garaitu zuen finalerdietan 6-4 eta 6-1. Bestalde, Goran Ivanisevic tenislari kroaziarrak bere selekzioarekin gehiago ez jokatzeke mehatxua egin zuen atzo, Suad Rizvanbegovic Kroaziako Tennis Federazioaren buru den bitartean. x

BOXEOA

■ Quarteyk welter pisuko munduko txapelari eutsi zion

IKE QUARTEY ghanatarrak welter pisuko munduko txapeladuna da oraindik -Boxeoko Munduko Elkartearen bertsioan- Jose Luis Lopez mexikarrari hamabi asaltotako borrokan puntutara irabazi ondoren. Quartey, bi alditan bota zuen alonara Lopezek. «Inoiz izan dudana aurkari gogorrena da», esan zuen ghanatarrak Jose Luis Lopez buruz, «inork ez du harekin lehiatu nahi. Nik ere ez». x



SAN MAMES FUTBOL ZELAIA

Astearte, urriak 21, 21:30etan
UEFA-KO KOPA

ATHLETIC CLUB- ASTON VILLA F.C.

SARREREN SALMENTA

TXARTELDEGIAK: SAN MAMES FUTBOL ZELAIA

Bihar, astelehena, 10:30etatik 13:30etara eta 17:00etatik 20:00etara, Astearte, 10:30etatik 13:30etara eta 19:30etatik aurrera.



Coche Oficial del
Athletic Club

